



# Arubaanse Courant

ANJA 25

DIAHUEBS 30 JANUARI 1964.

No. 4951

## PRINSES IRENE A BIRA CATOLICO

### Completo aprobacion di su mayornan

DEN HAAG, 30 jan. -E secretariado particular di Su Altesa Real Prinses Irene ta participa, en coneccion cu un noticia for di Madrid tocante rumornan cu ta circula cu e prinses na verano di aña pasa a afilia Iglesia Catolica, cu prinses Irene, despues di consulta largu y profunda berdaderamente a tuma e desicion ey for di conviccion.

Prinses Irene ta interesa den acercamiento ecumenico. Entre otro e ta reconoce e base comun di religion cristian den tur iglesianan cristian. Na esey su preferencia a bai pa cristianan preferencia a bai pa cristianismo catolico mira den bista ecumenico.

Adoptacion di prinses Irene den iglesia catolico a sosode entre tantu pa cardenal Alfrink.

E secretario particular di su Mahestad La Reina ta participa en coneccion cu esaki, cu su Mahestad La Reina y su altesa Mahestad La Reina y Su Altesa Real Prins Bernhard ta completamente tras di libertad di seleccion pa nan yunan y pues

ta respecta e seleccion aki di nan yu muhe completamente.

E agencia Frances di noticia "AFP", ta anuncia cu prinses Irene, quende ta na Madrid, a worde mira awe mainta den un iglesia catolico ora cu e tabata bai comunio. E prinses tabata compaña pa un amiga Spaño, señorita Audrade. El a ninga di contesta preguntanan di periodistas.

E noticia cu prinses Irene a bira catolico a causa hopi asombra den circulonan politico. En general por conclui for di e prome reaccionnan, cu e desicion di prinses Irene ta worde respecta for di punto di bista

di libertad di religion.

E president di fraccion di partido catolico, señor Schmelzer a bisa: "E desicion di Prinses Irene naturalmente ta di caracter estrictamente personal. A base di esey e desicion mester haya tur respeto".

Señor Jongeling di e federacion politica reforma a bisa cu e ta deplora e paso di Prinses Irene. E politico aki a muestra cu e no quier libertad personal di ningun hende afecta, pero cu Prinses Irene ta un persona publico, cu ta pertenece na cas di Oranje cu ta gobernando. E cas ey tin un base reformatorio.

Si e Prinses no deshaci di su derechonan señor Jongeling ta calcula cu lo bini dificultadnan na areglo di un eventual herencia di sucesion of na un eventual matrimonio di e Prinses Señor Van Dis di e partido - staatkundig gereformeerd tambe a bisa tambe di ta deplora e paso di Prinses Beatrix. El a bandona e tradicion reformatorio di cas di Oranje pa bolbe Roma. Segun señor Van Dis e noticia aki lo worde ricibi cu gran tristeza den su circulo.



Poco despues cu boto di loods a caba di baha nan na tera señor Brigido Nicolaas (cu helm) y señor Felix Rasmijn (na drechi tu mando e motor di boto) personalmente tabata percura pa tur nan materialnan di pisca y motornan di boto cu lo demas a worde saca for di "Tonia", e boto cu cual nan a perde diadomingo ultimo. Un gran cantidad di famia amigonan y conocirnan tabata speranan diamars anochi na oficina di haven en loodsdienst, despues cu e atardi ey e noticia a drenta cu nan a worde hanja pa e bapor di carga "kare kende lo a duna nan pa mas o menos siet or di anochi na loods di Oranjestad.



HUMA UN CIGARIA  
VERDADERO  
HUMA UN  
**CAMEL**

TURKISH & DOMESTIC  
CIGARETTES

FAVORITO DI ARUBA

**CARNAVAL - KODAK**

Laga e anja aki tambe bira un recuerdo permanente cu

**KODAK**Oferta especial di KODAK-CARNAVAL  
valido te dia 8 di februari 1964.

cada comprador di un

\* CAMARA pa portret of

\* CAMARA pa saca cine,

ta ricibi completamente gratis

UN FILM CU TA PERTENECE NA E CAMARA.

BO CARNAVAL TA BIRA INOLVIDABLE SI BO  
USA **KODAK**

pa mas informacion sin ningun compromiso

**NEME IMPORT EXPORT CO.**

Tel. 1754

**ACUERDO ENTRE FRANCIA Y CHINA  
NO TIN NINGUN CONDICION**

PARIS, 30 jan. - Un portavoz di e ministerio Frances di exterior a participa, cu e acuerdo entre Francia y China popular tocante cuminsamentu di relacion diplomatica, a worde firma sin ningun condicion di qualquier caracter cu esey por ta.

Gobierno Frances no ta mira un motibu pa considera quiebra di e relacionnan diplomatica - cu Formosa.

E portavoz a reacciona riba e declaracion cu a worde duna awe na Peking, segun cual gobierno Chines a sali for di e punto di bista, cu Francia lo mester quibra su relacionnan cu China nacionalista.

Gobierno di China nacionalista, manera ta conoci, protesta cerca Francia contra reconocemento di China comunista, pero e relacionnan no a worde quibra.

Gobierno di China nacionalista a larga sa cu e ta rechaza e these di dos Chinay cu Francia mester saca su conclusion for di esey. Circulanon autorisa na Paris a declara, cu nan no ta compromete e actitud ey. Si e autoridadnan na Formosa no por ta di acuerdo cu e direccion cu gobier-

no Frances ta hiba, anto nan mes mester stipula, quico nan mester haci.

Segun fuentenan bon informa na Peking, ministerio Chines di exterior a nombra un encargado di negocios pa China na Paris, quende pronto lo sali pa Paris. E nomber di e diplomático no a worde menciona.

**VICTIMANAN  
NALYBIA**

TRIPOLI, 30 jan. - For di 13 januari a muri diesun persona den desordennan cu tabatin na Libia, asina a worde participa oficialmente.

E victimanan a cai na Benghazi, Zawia y Jemel. E irregularidadnan a cuminsa ora cu simpatizadornan di gobierno di Fekini, cu mester a retira, a ataca wardanan di polis.

Segun informenan tabatin muchu mas tantu morto cu a worde indica. Observadornan di exterior ta di opinion, cu aunque actualmentente ta tranquil den e pais, toganda tension no a bai completamentente.

**SCHLESINGER A  
TUMA RETIRO**

WASHINGTON, 30 jan. - Arthur Schlesinger, colaborador di president Kennedy quende despues di e asesinato contra e president a queda como asistente especial di president Johnson. a tuma su retiro pa e por dedica su mes como historico na su trabao cientifico. E tabata yuda na formula discurs-

sonan presidencial, tabata atende problemenan Latino Americano y tabata un comunicacion entre Casa Blanca y mundu academico. Schlesinger quende ta bai scribi un buki riba Kennedy, ta despues di Theodore Sorensen e segundo colaborador di e president asesina, cu ta bandona Casa Blanca.

**Marinier ta worde  
dera na Hulanda**

Oranjestad, 30 jan. - Diamars anochi banda di diez un'or y mei e restonan di e marinier derde klas J.N. Apelboom, kende dia-domingo anochi a muri den San Pedro Hospital a consecuencia di un accidente di auto den cual e tabata envolvi a worde hiba a bordo di e bapor di guerra Hulandes "Dubois". Mei ora promer e bapor a drecha laaf mientras cu mei ora despues el a sali for di Oranjestad atrobe, rumbo Corsow.

Cu honor militar y acompaña pa un gran cantidad di kranes e caha cu e restonan a worde poni a bordo. For di Corsow e restonan lo worde transporta cu avion pa Hulanda caminda e lo worde derdá.

Promer cu e defunto a worde poni a bordo ayera anochi tabatin un ceremonia den Savaneta Kamp y un misa requiem den misa na Savaneta pa mas o menos cinco'or y mei di atardi.

**FATUM** - Tel: 1845

pa tur bo aseguranon

**Lago no ta di acuerdo**

cu I.O.W.U.A.

SAN NICOLAS, 29 jan. - Tocante di e situacion cual a resulta na e momento aki en cuestion cu e deliberacionan preparativo pa e negociacionan di un combenio colectivo di trabao nobo entre Lago y IOWUA, esta cu e deliberacionan preparativo a jega na un punto cu no tin solucion, un vocero di Lago a declara lo siguiente: Lago no por acepta e peticion di IOWUA pa para cu e lay off di empleadonan, como cu esaki ta un punto cu tin di worde descuti ainda den e negociacionan pa un contracto nobo. Es decir cu IOWUA a kler combenio pa un cierto punto di CCT nobo cual ainda no a worde negocia. Alavez e vocero di Lago a informa nos cu for di luna di september te cu luna di december compania no a dunalay off na ningun obrero Antillano, cu excepcion di esnan cu a haclesa-ki ariba propio peticion. Pero parce Lago no por continua cu e mes un sistema aki como cu e ta di mal influencia pa e politica interno di e compania.

En relacion cu e problemenan union di trahadornan di su banda a dicidi di tuma e medidanan necesario y alavez urgentemente, pa por jega na un solucion favorable cu Lago. Manera nos a informa ajera caba, representantenan di directiva di IOWUA, lo bai Venezuela.

Segun ultimo informacion nan lo sali awe merdia pa Venezuela caminda nan lo delibera cu Federacion Petrolero y Confederacion Latino Americano di sindicatonan Cristian na Venezuela tocante di e actual situacion di obreronan di Lago, na Aruba, y pa discuti e medidanan necesario cu lo tin di worde tuma pa hanja e resolucio nesario.

**TIROTEO NA SUR  
RHODESIA**

SALISBURY, 30 jan. - Polis atrira riba un multitud di hendenan color scur na e ciudad Highfield pega cu e capital di Sur Rhodesia Salisbury. Dos hende di color a muri y un otro a worde herida. E ocupantenan di un auto a sali ileso. Un portavoz di polis a participa, cu 68 hende di color despues di un dia di desorden, a worde aresta den pueblonan den vecindario di Salisbury.

E irregularidadnan a cuminsa awe mainta pasobra e lider di hendenan di color, Nkomo mester a presenta dilanti di hues na e ciudad Cemtal mas o menos 269 kilometer for di Salisbury.

Simpatizadornan di Nkomo a cuminsa weiga. Polis mester a duna su judanza despues cu esnan cu quier a traha tabata worde molestia pa e welgistanan. Diferente baha polis mester a interveni awe na Salisbury.

**Delegacion Spano  
na Havana**

HAVANA, 30 jan. Un delegacion Spano a yega Havana pa negocia tocante venta di bapornan di carga y trellernan cu Cuba. E lider di e delegacion Spano a bisa cu su delegacion inspira cu un gran deseo di cooperacion.

E hefe di e servicio central Mericano di informacion, John McCone, a sali di Madrid pa Roma despues di deliberacionnan cu general Franco, e vice-premier Spano Muñoz Grandes y e minister Spano di exterior, Castiella. Parce cu e deliberacionnan tabata tocante e negoshi di Spafia cu Cuba y un posible reanudacion di e relacionnan comercial entre Spafia y Union Sovietic.

**MINISTER LAMPE  
PA ANTILLAS**

SCHIPHOL, 30 Jan. E minister plenipotenciario di Antillas, señor W.F.M. Lampe, e anja aki lo haci su bishita anual di rutina na Antillas poco mas tempran, paso-

bra - segun el a participa prome cu salida awe na Schiphol - e ta poco cansa y ta spera di sosega un poco den West.

"Mi tin intencion di regresa Ulanda te den curso di april, asina el a bisa, pero lo mi utiliza mi estadia na Antillas pa bishita tur e seis islanan.

Ora cu nan a puntre tocante e asunto di e compania Antillano di aviacion el a bisa: "Director Van Der Wal di KLM a caba di regresa di Corsow pa bolbe atende e asunto ey, mescos cu director Larive a haci november di anja pasa.

**Israel ta acepta  
proposicion di  
Chroestsjow**

TEL AVIV, 30 jan. - Gobierno di Israel a acepta e proposicion di premier Chroestsjow di Union Sovietica pa firma un acuerdo internacional contra di uso di violencia pa solucion di conflictonan territorial. Gobierno di Israel ta di opinion cu aceptacion di un tal principio door di tur paisnan di e terrio, den cual Israel ta situa, lo contribui hopi na aflojamento di e tension den Mediano Oriente.

**DECLARACION DI  
ERHARD**

ROMA, 30 Jan. E cancellier di Alemania West, Dr. Ludwig Erhard, kende ta haciendo un bishita oficial na Italia, a bisa na un mitin cu prensa na Roma cu e ta spera cu mas tantu pais posible lo participa na e potencia nuclear multilateral cu a worde propone pa esaki forma un berdadera alianza.

Erhard a bisa tambe: "Alemania Occidental no ta mira un Europa uni como simplemente un unificacion di e seis estadonan di EEG E acuerdo di Roma mester ta abri pa cada pais, cu kler afilia.

**COMERCIO DI  
ARGENTINA**

BUENOS AIRES, 30 Jan. E balans comercial di Argentina tocante e ultimo anja tabata esun di mas favorable den historia di e pais. Asina a worde participa den un rapport no oficial cu principalmente ta basa riba calculacion oficial y cu ta worde publica den e corant cronista comercial.

**SUR AFRICA TA  
KEDA SUSPENDI**

GINEBRA, 30 jan. - E comision espacial pa Sur Africa di e organizacion internacional di trabao a propone den un rapport pa suspende Sur Africa for di e conferencia di e organizacion, tanten cu e pais aki sigui cu su politica di apartheid, pero no pa expulsa Sur Africa, of Nacionnan Uni tambe mester haci esey.

E comision ta propone pa cambia e estatutonan di tal forma cu cada pais cu di un manera flagrante y continuamente ta hiba un politica abiertu di discriminacion racial, por worde exclui di participacion na e conferencia di e organizacion.

Un otro cambio ta ortogacion di e autorisacion na e conferencia pa cada pais cu worde expulsa of suspende for di Nacionnan Uni como miembro, haya castigo igual di e organizacion.

Segun e rapport expulsion solamente di parti di e organizacion lo pone e organizacion den desarolionan politico pa cual Nacionnan Uni ta responsable.

**MISIONERO A SCAPA**

LEOPOLDSTAD, - E misionero mericano, Ruth Hege, cu diasabra terroristanan a laga keda atras den kerementu cu e tabata morto, despues di un ataque riba un post di mision na Mangoengoe den e provincia Kwiloe, ayera nochi a worde salba pa un helicoptero di Nacionnan Uni.

Tenel. Miguel Nucete Paoli

y

Ema Hubner de Nucete Paoli

Se complacen en invitar a sus amistades al matrimonio de su hijo

*Antonio*

con la Srta. Alix Oduber Roos

Carel E. Oduber

y

Johanna Roos de Oduber

Se complacen en invitar a sus familiares y amistades al matrimonio de su hija

*Alix*

con el Sr. Antonio Nuete Hubner

Acto que tendrá lugar en la Iglesia San Francisco, de esta Ciudad, el día 6 de febrero, a las 5 de la tarde.

Recepción:

"Club Caribe" 6.00 a 8.30 p.m.

Oranjestad, 30 de enero de 1964

(Sír vase considerar esta como una invitación personal)


# Eligimento di reina di **CLUB BONAIREANO**

Dia 1 di Febr. 1964

cu un

**Grandioso Baile cu e  
Super Orquesta di "Fred Muller"**

**Bin goza carnaval-Bin apoya bo  
candidata-Favorita di Club Bonairiano!**



**Reina di carnaval di club Bonaireano lo hanja di regalo un  
auto "Austin Healey Sprite"**



Edith Winklaar



Noris Nicolaas



Luisa Wouter



Judith Paula



Aura de Palm



Annie Martinus



Lucille Pourier



Filomena Marchena



Kay Luckhoo

## Cambodja contra Merca

DJAKARTA, 30 jan. - E hefe di estado Cambodja, prins Norodom Sihanouk a bisa na Djakarta, cu e dollarnan Mericano no por apone Cambodja plama for di otro. Cambodja a dicidi pa stop cu e judanza cu e tabata recibí di Merca pa e por ta completamente independiente. Awor e Mericanonan ta acusa nos, cu nos ta un satelite di China, pero mi ta bisa, cu esey no ta berdad. Nos ta estableciendo nos socialismo di nobo na Cambodja. Asina Norodom Sihanouk a bisa.

## INTENTO DI INVASION RIBA FORMOSA

TAIPEH, 30 jan. - E ministerio di defensa na Formosa a anuncia

ayera nochí, cu comunistanan Chines a haci cuater intento pa haci un ataque cu kanonneerbooten riba e archipelo Matsoe. Di e shete kanonneerbootnan cuater tabatin danjo grave. Tabata di prome biaha despues di tres aña cu for di e continente nan

## Campanya contra humamento na Hulanda

DEN HAAG, 30 jan. - E oficina di informacion di e organisacion terrestre Ulandes pa combati cancer ta cuminsa majan cu un campanya contra humamentu di muchanan cu ta bai school ainda. Tur alumnonan di vierde klas di tur escuelanan primario ta haya majan un carta dirigi na nan mayornan, den cual nan, na interes

di salu di nan mes yunan ta worde muestra riba e desventahanan di humamentu.

Na Ulanda nuebe persona ta muri pa dia di cancer na pulmon. Esey ta nifica, cu por lo menos 6 alumnonan di diesels escuela primario dentro di algun anja lo muri di cancer na pulmon.

## Investigacion na Tanganyika

DAR-ES-SALAAM, 30 jan. - Oscar Kambona, ministro di exterior di Tanganyika a declara cu gobierno lo haci un investigacion di e posibilidad di relacion entre e tres motinnan cu tabatin siman pasa den diferente paisnan di Afrika Oriental.

E federacion di irabao na Tanganyika na mes momento a duna un declaracion den cual e ta bisa di ta deplora cu algun

lider di federacion a conspira huntu cu e lidernan di e revolucion militar pa causa bruhacon y malentendimentu y asina enganja e obreronan.

E federacion cu esey a reaciona riba un discurso na radio di president Nyerere den cual esaki a bisa cu entre e militarnan arresta pa motibu di conspiracion y motin tin tambe algun lider di federacion.

## POLITICA PETROLERA DI VENEZUELA

CARACAS, 30 jan. - Den e politica petrolera di Venezuela lo no bini ningun cambio despues cu Raul Leoni na maart awor tuma e puesto di presidente di Venezuela over. Asina ta wordu calcula den fuentenan petrolera na e pais.

Leoni a laga sa cu e lo sigui

cu e politica di president Bethancourt cu tabata contene cu empresanan particular no ta haya vergunning mas pa exploracion di petroleo.

Durante e campanya electoral Leoni a declara, cu e kier trata na aumenta e accion di e compania petrolera Venezolano di estado den e industria.

## ELECCION NA BOLIVIA

LA PAZ, 30 jan. - E movimientunan nacional revolucionario cu actualmente ta na mando na Bolivia, practicamente unanimemente a indica president Victor Paz Estenssoro como su candidato pa e venidero eleccionnan presidencial na e pais. E secretario di e partido, Frederico Fortun ta candidato pa bira vice-presidente.



## FANTASTICO!

Ta nos oferta pa duna lectornan di "ARUBAANSE COURANT"

e corant mas lesá na Aruba,

## UN LUNA GRATIS DI SUSCRIPCION

si nan paga e suscripcion pa aña 1964 delantá. E oferta aki ta valido te dia 1 di februarí venidero.

PAGA NOS COBRADORNAN pa 11 LUNA y LESA CORANT 12 LUNA. „Arubaanse Courant,, e corant cu dia pa dia ta bira mehor!



*Diamars anochi 11 'or y mei e restonan di e marinier J. N. Appelboom kende a fallece diadomingo anochi ultimo a consecuencia di un accidente di trafico a worde hiba abordo di e bapor di guerra Hulandes Dubois kende lo transporta e restonan di e hoben marinier pa Corsow for di unda e lo worde hiba cu avion pa Hulanda.*

## Conferencia tocante Chipre ta bira un fracaso ?

LONDEN, 30 jan. -Ta worde calcula cu gobierno Ingles lo sigui cu su intentonan pa internacionalisa e potencia di paz na Chipre, awor cu e negociacionnan na London tocante e kestion Chipre, ta menasa pa bira un fracaso.

E minister Ingles continuamente ta wordu tene na altura di e situacion cu a crea despues di e participacion di e ministro Turco di exterior, Erkin, cu su gobierno en principio a dicidi pa no participa mas na e negociacionnan.

Ta worde opina cu e noticianan for di New York, cu gobierno di Chipre a dicidi pa admiti e ehercitonan di Nacionnan Uni na Chipre di e medida ey haya apoyo di conseho di seguridad, ta causa solamente speranza falsu.

Ayera noch tenion a aumenta

### Aruba Metal Co. estableci

ORANJESTAD, 29 Januari, Na Aruba a worde estableci door di senyor Lionel Harms na number di Harms Brothers y senyor Rolf Duenbier na number di Friedrich Zoellner (New York) Corporation "Aruba Metal Company". E doel di e asociacion aki ta pa negocia metal etc. E capital di e compania ta US \$100.000 parti den cien accion di mil dollar.

Na establecimiento a worde y lo worde deposita cincuenta accion

mas door di noticianan cu Union Sovietica ta apoya e Griegonan na Chipre.

Ta worde calcula cu e minister Ingles di exterior, Butler, lo insisti cerca gobierno Griego pa admiti trupanen di NAVO na Chipre na lugar di trupanen di Nacionnan Uni.

E minister Turco di exterior ya a acepta esey basta si worde cumpli cu dos exigencia. E no a participa ta cua ta e dos condicionnan. E Turconan tin objecionnan serio contra un forsa di Nacionnan Uni.

E comandante supremo di e forsan arma di NAVO na Europa, general Lemnitzer, a yega Athena awe mainta for di Ankara. Asina a wordu participa awe.

### Caribe ta celebra carnaval di mucha

Oranjestad, 30 jan. - Dia promer di februari venidero pa for di cuator te seis or di atardi ta tuma lugar den Club Caribe e carnaval di mucha.

Dia ocho di e luna ey lo tuma lugar den e Club un gran baile di desfraz. Pa tur dos e evenemetonan aki directiva a pone prijsnan valioso desponibel. Durante e parada Club Caribe lo tin e desposicion di Paradera Steelband. Despues di parada e Steelband lo toca den e Club.

### TIROTEO NA VENEZUELA

CARACAS, 30 jan. -Durante un tiroteo entre miembronan di e trupanen di gobierno y miembronan di forsa arma di liberacion nacional den e territorio di Negrita den estado Trujillo

dos rebelde a worde mata y diferente herida.

Ademas parce cu trupanen di gobierno a ocupa un campamentu di e ehercito nacional di liberacion. Entre e cuater presunan tabatin un ex inspector di polis di La Guaira quende diferente luna pasa a deserta y a bai cu un gran cantidad di arma.

Finalmente a wordu informa, cu teniente Hector Fleming, un di e personanan responsable pa e motin den e base naval, Curupano na mei di aña 1962, y cu a hui for di prison na september di aña pasa, a wordu detene ayera noch na Caracas.

### Comision di comercio Portorikenjo na Aruba

Oranjestad, 30 januari. - Ayera mainta pa diez 'or a yega Aruba cu Trans Caribbean Airways un mision di comercio Puerto Rikenjo cu algun dia lo haci un bishita na Aruba y probablemente tene exposicion di algun articulonan di Puerto Rico na nos isla.

Siman pasa a bin Aruba en conexion cu e bishita aki senyor Zoltan Mesaros, sub-director di departamentu di comercio di Puerto Rico y kende alavez na e momento aki ta na cabez di e comision. Despues di deliberacionan preparativo siman pasa a worde dicidi cu e comision consistiendo di directornan di empresa, representantenan di turismo y prensa. En total mas o menos cincuenta persona lo bin Aruba e siman aki pa algun dia. Na Puerto Rico nan a worde encoraja pa senyor Michael Kuiper, jefe di oficina di turismo, - A.J. Arends representantenan di Camara di Comercio di Aruba. Probablemente e comision aki lo haci un bishita di un dia na Corsow promer cu nan regresa Puerto Rico.

Nan ta recidencia na Aruba den Hotel Strand, cual ultimamente a bira liber despues cu e oficina nobo di A.C.I. y A.C.C. na Balashi a worde tuma de n uso.

### Comercio Cubano cu exterior

MIAMI, 30 jan. -Segun Radio Havana Cuba a firma un acuerdo comercial riba termino largu cu un compania Sueco to-

## T A SOLICITA

### JEFE DI TIENDA

PA UN NEGOCI GRANDI DI COMESTIBLES

na Aruba.

- Exigencias: \*
- \* Bon experencia den ramo di comestibles
  - \* Capacidadnan pa dirigi
  - \* Dominio di Idiomanan Hulandes y Ingles

Dirigi solicitud por escrito bou letter „Q-II, na oficina di Arubaanse Courant, Nassaustraat No. 85, Oranjestad.

## TA BUSCA PA CUMBRA

na San Nicolas of vencidario.

### UN CAS GRANDI, BON SITUA

Ofertanan por escrito por worde manda bou


letter „BEEWEE, na oficina di Arubaanse

Courant, Nassaustraat No. 85, Oranjestad

NOTA: Ofertanan sin mencion di prijs lo

no worde considera.

LABAMENTO DI PANJA SIN DOLOR DI Cabez



gracias na yudanza di

REDDY!

OFICINA MARITIMA DE ARUBA  
TEL: 2664-1622

Conecion tur siman cu Curacao y Bonaire pa carga y pasahero.

cante entrega di materialnan prima y partinan di reserva pa e industria Cubano di beton. Ademas parce cu e compania Sueco a acepta pa duna yudanza tecnica na instalacion di e aparatura e instruccion di personal Cubano. E contracto ta firma pa un termino di ocho aña. E aña aki Cuba lo entrega Maroko 250.000 ton di sucu no refina na prijs di dies cen Mericano pa liber. Esaki ta sosode a base di un acuerdo cu a worde firma ayera na Rabat.

E Cas Di Bo Sonjo na prijsnan practico



cu materialnan di construccion di calidad y na prijs atractiva, esey ta solamente na

PETRONA & CROES

Cumpra bo tairanan

Continental

awor y laga nos monta nan

GRATIS pa bo.

Tur tamanjo na existencia.

E. & G. MARTIJN (ARUBA) N.V.

Havenstraat 10-12 tel. 1429 - 1493

## TA BUSCA

Un mucha homber pa parti Arubaanse Courant na Paradera.

E MESTER TIN BICICLETA.

Pa inf: Acudi na oficina di Arubaanse Courant, Nassaustraat no. 85, Oranjestad.

BO A PIDI

GAS CABA?



1898 - 1198

# Carnaval comite juvenil Aruba

Tin e sumo placer di invita pueblo di Aruba pa bin presencia y mira ta cua di e "Bellezanan juvenil" di nos clubnan juvenil lo ser corona "como reina carnaval juvenil Aruba 1964"  
Diabierne anochi 8'or dia 31 di Januari 1964 den e patio grandisimo di

**J e u g d c e n t r u m T a n k i L e e n d e r t**



**SITA ROGAS**  
Reina Jolly Teeners



**YOLANDA COTINHO**  
Reina di J.C.T.L.



**JOAN KUIPERDAAL**  
Reina di Spes Patriae



**JULIANA NICOLAS**  
Antillana Teenagers Club



**EDWINA DIAZ**  
Reina Juventud Alegre



**CARIEN VAN OPSTAL**  
Sue Thompson Fan Club



**ELSA DE KORT**  
Reina di C.C.C.

## Padu Del Caribe-Trio Los Aventureros-Steelband

Ademas...un bunita doorprize di carnaval **OBSEQUIO DI** firma Jan C. Lacle

**Apoya juventud di Aruba y asisti sin falta**

**Entrada : unicamente UN FLORIN ( Fl . 1 . - )**

### Naessens a stop produccion di bacuna

BASTIA CORSICA, 29 Jan. E biologo frances Gaston Naessens kende su bacuna contra cancer y cancer den sanger riba orden di gobierno frances a wordu comete na un investigacion y despues a ser declara sin balor, a participa actualmente di lo stop mas produccion dje bacuna. Pero e tin suficiente provision pa trata ocho pacient, cu ya a hanja tratamentu dje bacuna, y finalisa e tratamentu, segun Naessens.

### Proteccion pa tripulacion di avionnan

LONDEN, 29 Jan. Tripulacion dje avionnan britanico den futuro lo por worde proteha contra pasaheronan agresivo. Ministerio britanico pa aviacion anuncia cu e avionnan grandi di pasahero cu lo wordu registra despues di 31 di mei di otro aña mester ta equipa cu un porta di seguridad cu lo mester wordu serra di den e cabina. Den un declaracion dje ministerio ta ser bisa, cu experiencia di algun pasahero agresivo den algun pais a condici pe medida di precaucion aki pa proteha e tripulacion y e avion.

### Merca ta keda fiel na Formosa

TOKIO, 29 Jan. Merca jamas lo entrega e 12 millon personanan na Taiwan (Formosa) ne Tirania comunista, segun e mi-

nister Mericano di asuntunan exterior Dean Rusk a participa na un comementu na Tokio. Rusk a bisa cu un gobierno Chines cu ta preparapa renuncia violencia y cu kier cumpli cu responsabilidad internacional y kier paz, lo wordu scucha pa Merca. Peking te ainda kier entrega di Taiwan como condicion pa un posible mehoramentu den relacionnan cu Merca, pero no ta fiel na nos compromiso cu e gobierno di republica China, segun el a bisa.

Un bosero dje ministerio di asuntunan exterior a bisa cu minister Rusk y e minister Haponen di asuntunan exterior Ohira, a bira di acuerdo pa tene deliberacionnan intimo tocante e kestion Chines en relacion cu e reconocimentu di China Comunista door di Francia.

### Formosa ta protesta pa di dos biaha

TAIPEH, 29 Jan. Gobierno di China Nacionalista pa di dos biaha a protesta contra reconocimentu di China Comunista door di Francia. Den e di dos protesta aki, cu a wordu entrega pa minister di exterior ne delegado Chines na Taipeh, Formosa ta acusa gobierno frances di su manera inamistoso di comercio, door di cual nan a crea e posibilidad pe Chinesnan comunista pa continua nan gobierno tiranico riba e pueblo chines. E hecho aki sin responsabilidad aki no solamente a causa danjo ne relacionnan normal entre China y Francia, segun e protesta ta continua pero lo no laga di causa desastrenan mas grandi pe paisnan di mundu liber. Pe consecucionnan serio cu lo bini di esaki, solamente gobierno frances mester carga e responsabilidad, segun e nota di China Nacionalista.

### CONDENASIONAN NA PORTUGAL

LISBOA, 29 Jan. - Na Lisboa nan a cuminsa awe cu sentencia di 87 acusado, cu ta sospecha di a haci dos anja pasa un intentu pa tumba gobierno Portugues. Ta pertenese entre nan ex-general - Humberto Delgado, cu a worde derota na eleccionnan presidencial di 1958 como candidato di oposicion y cu ta wordu considera liber dje adversarionan dje regimen Zalazar cu ta den exterior.

77 Dje 86 acusadonan ta civilnan, entre cua un religioso y 4 muher. E intento pa lantamentu a tuma lugar dia prome di januari 1962 na Beja un ciudad na mas o menos 185 km na Suroeste di Lisboa, pero esaki a wordu kibbra den un paar di ora. Durante e bringamentunan cu tabatin akinan, e sub-secretario di estado pa ehercito, y dos revolucionario civil a muri.

Segun e acusacion e lantamentu a wordu planea na juni di 1961 pa ex-general Delgado, y door dje oficial di buque mercantil Manuel Serra, cu tambe ta wordu sentencia.

### LEMNITZER PA ANKARA

PARIS, 29 Jan. E comandante supremo di forzanan di Navo na Europa, general Lemnitzer, awe a sali cu avion foi Paris pa un bishita na Ankara y Athena.

E lo delibera cu e lidernan politico Griego y Turcotocante e kestion Cyprus, segun a ser anuncia dje cuartel general di Navo na Paris.

Un bosero a bisa cu general lo sali brome pa Ankara. Nan no a bisa cuantun dia e bishita aki lo dura. Circulonon bon informa a anucia cu

general lo delibera tocante e proposicion di Gran Britania pa manda trupanan di Navo pa Cyprus. Nan no ta spera cu e general lo bishita Cyprus.

### Francia mester kibbra cu Taiwan

PEKING, 29 Jan. Francia a bai di acuerdo pa kibbra su relacionnan cu Taiwan (China Nacionalista) promer cu e cuminsa cu relacionnan cu e gobiernu na Peking. Asina ta para den un declaracion saca na Peking pe bosero dje ministerio Chines di asuntunan exterior. Gobierno na Peking, segun e declaracion aki, ta keda di opinion cu Taiwan ta pertenece ne territorio di China.

Cada intento pa los Taiwan di China o di crea dos China lo hanja un rechazo absoluto di gobierno chines y pueblo chines.

Den e declaracion ta ser bisa, cu gobierno di Republica Popular di China como unico representante legal di henter e pueblo chines a cuminsa deliberacionnan cu Francia. En acuerdo cu e uso internacional reconocimentu di gobierno nobo di un pais ta

contene, cu e gobierno bieuw, cu e pueblo dje pais aki a tumba, nota wordu reconoce mas. Door di esaki, representantenan dje gobierno bieuw aki no por ta presente banda di esun dje gobierno nobo den mesun pais o e mesun organizacion internacional. Gobierno dje Republica Popular di China a tene esaki den cuenta ora cu el a dicidi pa cuminsa cu e relacionnan diplomatico cu gobierno frances.

### MEDIACION ENTRE ARGELIA Y MAROKKO

BAMAKO, 29 Jan. Na maart

proximo un comision di mediacion dje organisacion pa unidad africano lo reuni atrobe den capital di Mali, Bamako, pa trata e kestion di frontera entre Argelia y Marokko.

### DESUNION ENTRE COMUNISTANAN NA PERU

LIMA, 29 Jan. Un 40 comunista pro Chines ayera nochi a penetra na Lima den oficinan dje revista comunista pro Ruso "Unidad". Nan a destrui muebles y otro material. Bao di amenaza dje personanan cu tabatin den e edificio, e asaltantenan tambe a podera dje placanan presente. Promer cu nan a hui bai nan a scribi lemanan pro Chines

### Candidatonan pa president

COLUMBUS, 29 Jan. E gobernador dje estado Mericano Alabama, George Wallace, a participa, cu e lo pone su mes candidato ne eleccionnan provisional pa candidatura democratico pe presidencia. Gobernador Sid, un partidario di separacion racial, no a haci ilusion tocante su popularidad den resto dje pais.

E lo ta cu cinco por ciento dje votonan, segun el a bisa, conforme entre tantu tambe e lider dje partido Socialista nacional di Merca, George Lincoln Rockwell, lo pone su mes candidato ne venidero eleccionnan provisional.

## Probeta di nos baratillo tradicional Cu ta dura awe y majan (30 y 31 di januari !!!)

GRAN REBAHA DI PRIJS Ariba articulos di calidad en tre otro:

**set di camber**  
**set di sala**  
**lampi dressoirs**  
**muebles pa veranda y jardin**

(unicamente CASH)

**20% REBAHA Ariba TUR**  
**TELA PA CORTINA**  
**dianan aki!**

# MESKER

ARUBA

Adr. Lacle Boulevard 21 - tel. 1325

## PLAN RUSO PA DESARME

GINEBRA, 30 Jan. Union Sovietica a dicidi ayera pa entrega e conferencia di desarme na Ginebra un plan cu ta consisti di nibe punto, na cual especialmente e proposicion di ambos banda pa destrui avionnan bombardeo tabata hala atencion.

Anteriormente e proposicion no a worde comprende completamente na parti di Occidente. Nan a kere cu Union Sovietica a bini cu un proposicion cu Merca a yega di haci basta tempu caba pa quita avionnan bombardeo bleu. E lider di e delegacion Ruso, Tsrapkín, a pone un fin na eduda

aki, door di declara despues di e conferencia na un mitin cuprensa cu ta e intencion di Union Sovietica pa kima tur avionnan di bombardeo di tur forsa aereanan estrategico.

E proposicion Ruso, cu tantu Occidente como Oriente lo destrui nan avionnan di bombardeo a hanja awe inmediatamente apelo di Suecia y Gran Bretania.

## SANTOS A GAIA COPA

### DI BRASI

RIO DE JANEIRO, 30 Jan. - E team Brasilenjo di futbol, Santos, ayera a conquista e titulo campeon di torneo di copa na Brasil. Despues cu e club di Pete a gana e prome encuentro

pa final contra Bahia cu 6-2, Santos e biaha aqul a gana cu 2-0 tur dos gol a wordu anota pa Pete.

## MISION AUSTRALIACO PA MALEISIA

MELBOURNE, 30 Jan. Australia lo manda un mision di defensapa Maleisia pa averigua, na cual sorto di arma, municion y otro equiponan e federacion akitin necesidad pa por enfrenta politiek di confrontacion di fuente Indones. Asina e promer minister Menzies awe a participa na Melbourne.

## CINE

Diahuebs 30 Jan.

De Veer: 8.30 p.m. "Cry For Happy"  
Rialto: 8.00 p.m. "The Castilian"  
Principal: 8.00 p.m. "Hercules Conquers Atlantis"  
Aurora: 8.00 p.m. "ABView From The Bridge"  
Savaneta: 8.00 p.m. "CUANDO Viva Villa es la Muerte"

## DOKTERNAN DI WARBA

Ostad-Noord Dr. P.C. Harting  
S.Nicolas-Sta.Cruz Dr. A.v.d. - Hoeven

## BOTICANAN DI WARBA

Ostad Botica Oduber Tel: 1780  
San Nicolas Botica San Lucas tel: 5119.

## WIT-GELE KRUIS

Oranjestad: Zr. Ewolda  
San Nicolas: Zr. Perpetua  
Santa Cruz: Zr. Ludovic

## Cumpleanjos

Dia 28 di Jan. a cumpli anja Karel Zara, felicitacion ta bini di su mama Josefa, tata Duntji, rumannan Gloria, Latha, Johnny Grace, Robby y Ettie, especialmente di su wela stima Evarista Maria.

## AGENDA

ARUBAANSE COURANT

diarlamente cu excepcion di diadomingo  
suscripcion f. 3.25 pa luna edicion los 20 ct.

edita pa:  
N.V. ARUBAANSE DRUKKERIJ  
- en UITGEVERS - en PUBLI-  
CITEITS MIJ.

imprimi na:

N.V. DRUKKERIJ  
„DE STAD,,

Telefoon 1116 Directiva y redaccion, 2116 Anuncio y suscripcion.

Directeur hoofdredacteur:  
D. Wolff.

## TELE-ARUBA

Diahuebs 30 Jan.

- 05.30 Cartoons
- 06.00 Industrie on Parade
- 06.30 Corliss Archer
- 06.45 Papiamento New Cast Live & Filmnews
- 07.00 Sea Hunt
- 07.30 Informacion Amstel
- 07.45 Tombstone Territory
- 08.15 Honeymooners
- 08.45 Viana's Latest News
- 09.00 Ben Casey
- 10.00 Sign Off.

## RADIO CARACAS TELEVISION

Diahuebs 30 Jan.

- 8.45 Senderos de luz
- 9.00 Cajas con sorpresas
- 9.30 Jardin de infancia
- 10.00 Documentales
- 10.30 Cosas de mujeres
- 11.15 Quien es quien en T.V.
- 11.45 Novela
- 12.00 Ahow de Saume
- 13.00 Noticias
- 13.05 Cont. Show de Saume
- 13.15 Se necesita una amiga
- 13.35 Novela
- 13.50 Yo se lo vendo
- 14.20 Punto y aparte
- 14.45 Estudio Hector Monteverde
- 15.15 Perfecta ama de casa
- 15.45 Aventuras de Popeye y Yeyo
- 16.15 Mejias y sus muchachos
- 16.45 Busque su marca
- 17.15 Sir Francis Drake
- 17.45 Noticias
- 17.50 El Santo
- 19.00 Mi tres hijos
- 19.30 Dragnet
- 20.00 El observador
- 20.15 Novela
- 20.30 Esta noche Billo
- 21.00 El matrimonio perfecto
- 21.30 Los defensores
- 22.30 Noticias
- 22.35 Cine para todos

bay for di e castillo? "Thesi a puntra. E conde su cara a cambia di repente. "Bo kler meen, cu Ingrid....." E no por a sigui papia. Thesi a buk su cabez y a keda mira su mannan. "Si, Conde Hofen, Ingrid tabata den e biblioteca, ora cu bo a plecta cu bo .....ex senjora. Ingrid tabata testigo di e palabrnan".

"Y ta pesey el a corre bay for di cas, cu e unico ser, cu semper a mustrele amistad y afecto; y esey ta su cachó. Cuan-to tempo el a cama den e awa cero mi no sa. Pero ora cu el a bini akinan ya tur su panjanan tabata papa muhá, Thesi a bisa. Conde Hofen no a contesta, ni tampoco e no a mira Thesi den su cara. "Ingrid a contami tur cos y mi ta kere.....", Thesi a keda keto un rato, "y mi ta kere cu e tabata sa foy basta tempo caba, cu boso matrimonio a bira un fracaso y cu bosonan ta divorcia..... mi kler meen, cu e sa tur e detallesnan "Conde Hofen a keda miré. "Pero Ingrid a tende tambe cu.....", atrobe e Conde no a sigui papia. "Si, Conde, esey tambe el a tende". Thesi a bisa. "Srta. Gunden", e Conde a bisa, "mi ta spera cu bo a kerenu si mi bisabo cu mi no tabata sa esey, y tampoco mi no tabata kler esey. Pasobra si mi tabata sa cu Ingrid a tende loke nos a papia....". "Conde",

De Heer en Mevrouw  
**FOWLER - KWARTSZ**

hebben het genoegen kennis te geven van het voorgenomen huwelijk van hun dochter

*Amena*

met de Heer

Johan Dirk van Eck

Mevrouw de Weduwe  
**A.C. VAN ECK - DEN HARTOG**

heeft het genoegen kennis te geven van het voorgenomen huwelijk van haar zoon

*Han*

met Mejuffrouw

Hilary Amena Léontie Fowler

waarvan de voltrekking zal plaats hebben op Woensdag, 5 februari 1964, ten Gemeentehuize te Everdingen, Nederland.

Aruba, Windstraat 9

Everdingen, Graaf Huibertlaan 11

Receptie: Woensdag, 5 februari 1964 van 17.30 - 19.30 uur in Hotel Veen, Culemborg.

Tijdelijk adres: Graaf Huibertlaan 11, Everdingen

## "Buscando amor di Mama"

Novela pa  
**Pancho Papa la Poncha Pi**

No.13

E cachó a bati su rabo, di alegría Di repente Thesi ta pensa: Nan lo ta masha preocupa aya na e castillo di Hofen. Casi sigur nan mester a ripara caba cu e mucha y e cachó a sali for di e castillo. Y tambe nan lo avisa polis caba. E mester bisanan cu Ingrid ta cerca dje. El a bisti su mantel pura pura, drey mira si Ingrid ta drumi ainda, y despues el a corre bay na e telefofon cu ta keda den e postkantoor. Fried, e cria bjeew di e Conde, a coy e telefofon. El a bisa cu mesora el lo manda un auto pa bin busca Ingrid. Thesi por a ripara mesora na su stem, cu el a keda alivia di tende na unda Ingrid tabata. Mas o menos un ora despues a jega dilanti su porta un auto grandi. E chauffeur a pone e mucha na sonjo ainda, den e auto, y Thesi a keda mira e auto te ora cu e a bora un skina bay. E conde no a haya necesario pa bin busca su yiu personalmente.....

E siguiente mainta, Ingrid no a bin school, locual ta masha natural, despues di e sucesonan di ayera noch. Thesi tabata sinti su curpa un poco cansá, y e tabata contento pa anochi jega, cu e por a bay rust un poco. Dios gracia cu mayan ta diadomingo, e ora mi por keda drumi mas hopi, Thesi ta pensa. Casi henter mainta el a keda drumi, y atardi el a sali keiro un poco, admirando e show-casenan, cu adornos di Pascu. Semper Pasco tabata masha dushi na su cas. E tabata tin varios bela sendi, y henter e cas ta holer kerstboom y koeki. Ora el a bolbe cas, Sra. Hubert a habri porta, y su cara tabata manera un hende cu kler a duna mal noticia. "Tin bishita pa bo", el a bisa poco poco. "Pa mi?", Bishita pa mi? Thesi a habri e porta di su kamber. E homber halto y delegá, cu tabata pará dilanti e bentana a drey mira. Tabata Conde Hofen. Thesi a

keda para y su planan a bira pisá. "Bon dia", el a bisa porfin, y el a cana duna e Conde un man. E conde su cara tabata muetra malo. Bou di su wowonan tabata scur, manera un hende

cu no a drumi suficiente y el a keda pará, ora cu Thesi a mustré un stoel pa sinta. "Mi a tuma e libertad di bin bishita bo den bo kamber, pa asina mi por papia cu bo sin worde strobá", e Conde abisa. "Mi ta suplicabo pa tin comprension di e paso desacostumbrá aki..". "Si...si", Thesi a bisa sin pasenshi. "Pakiko bo mester papia tanto asina, prome bo bisa kiko bo kler?". "Mi.. mi mester pidibo despensa na promer lugar. Ultimamente nos tabata tin un conversacion, cu no a termina mucho.....amistoso. Bon mirá, esey tabata mi culpa, y mi lo keda agradeci si bo por lubida loke a pasa e dia ey." e conde a bisa. E ta hacimi loco, Thesi ta pensa, y un rato el a sera su wowonan. El a sinti cu te ainda e tabata tin su mantel bisti. Cu un gesto nervioso el a kitele y tirele riba su cama. "Sr. Conde", Thesi a bisa, "contami ta kiko a pasa INGRID". E Conde a kita su cara y tabata parce cu e no por, a soporta e mirada suplicante di Thesi. "Ingrid.... Ingrid ta hopi malo. Dr. Bergman....." Thesi su pa-

senshi a caba. "Conde Hofen", el a bisa energico, mientras cu el a bolbe dunele un stoel pa sinta. "Hacimi un favor di bisami sin tapa nada, ta kiko a pasa cu Ingrid". E conde a cay sinta. "Ora cu nan a trece Ingrid cas bek ayera noch, ya e tabata tin un poco griep. Despues el a bira malo ainda y mey anochi mi mester a jama Dr. Bergman. E tin pulmonia...., y segun Dr. Bergman no tin mucho speranza....". Thesi a keda mirele manera un hende desesperá. "No!", e di poco poco, y su wowonan a bira mas grandi di espanto. "Si, asina mes", e Conde a bisa tranquil. "Si, Srta. Gunden, ta asina mes. Semper Ingrid tabata un mucha zwak di su pecho, y segun Dr. Bergman e no tin mucho resistencia". Thesi a keda mira e Conde duro den su cara. Ingrid, mi pover mucha chikito", Thesi ta pensa yen di duele. Semper bo ta strobá un hende...., tur a tirabo paki payá, ningun hende notabata kler a tenebo cerca nan... y esey lo mester ta henter bo bida? Thesi a sinti cu e tabata cerca di jora, pero e no tabata kler, sobre todo den presencia di e homber cu tin culpa di tur loke a pasa Ingrid. "Y bo no ta haya e solucion aki brillante, Conde? Bo no a bisa dos dia pasá, suficiente duro pa Ingrid haya tende, cu bo lo ta contento si e por



E boxeador Cassius Clay aki ta ricibi instruccion di teniente Reno Dioro na Miami, Florida, na momento qu el a presenta pa pasa test pa drenta ehercito mericano.

### Jegada di trupanen Ingles na Afrika

NAIROBI, 28 Jan. Ayera noch a llega na Nairobi e ultimo avion cu militarnan britanico. Cu esaki e unidad militar a wordu trese riba shete cien homber, cu Inglatera a manda riba peticion di Kenia, Oeganda y Tanganjika pa restablece ayanan orden y sosiego.

E corant mericano New York Herald Tribune a scribi awe cu trupanen britanico a proteha un parti grandi di Oost Africa pa inquietud y probablemente tambe pa comunismo. Gracias pe accion lihe di Inglatera nan por a paga e candela nan na Tanganjika, Kenia y Oeganda, segun e corant. E tabata di opinion cu comunismo a fracasa den tres estado africano.

Gobierno di Tanganjika a declara cu no tin pruebanan cu ta muestra cu e comunistanan tabata responsabel pe sucesonan di siman pasa na Tanganjika.

Gobierno ta masha, segun e comunicado, indigna tocante algun intento pa relaciona e politiek di guerra friu ne acotesimentunan na Tanganjika. Ta importante pa no usa e dificultadnan na Tanganjika como un pretesto pa empeora situacion internacional y amenaza paz mundial.

### Ainda no tin acuerdo entre Panama y Merca

WASHINGTON, 29 Jan. E comision Interamericano di paz ayera a delibera atrobe cu delegadonan di Panama y Merca, sin di a llega na un acuerdo loke ta referi e problema dje tratado tocante canal di Panama.

Dr. Miguel Moreno (di Panama) a bisa cu su gobierno ta busca garantianan cu e venidero deliberacionnan entre e dos paisnan aki, despues di festablismentu di relacionnan diplomatico lo termina cu un tratado nobo pa canal di Panama. E deliberacion di ayera a dura 4 ora y mei.

### Indonesia contra Maleisia

DJAKARTA, 30 Jan. Indonesia no ta drenta cu un armisticio, cu a worde splica como un orden pa entrega, president Soekarno, kende a haci e declaracion ey awe na Djakarta, cu esey a reacciona riba noticianan di prensa den cual ta worde bisa cu gobierno di Maleisia a laga plama pamfletanan riba Noord Borneo. Cu e peticion na e voluntarionan Indones pa nan entrega nan mes.

### Avion Mericano a cai na Alemania Oost

BONN, 30 Jan. -Un avion di forsa aerea Mericano cu ta worde usa pa ehercicio a cai riba territorio di Alemania Oriental, asina embahada Mericana na Bonn ta participa. Ta un avion T-39, di cuater pasahero.

Tabatin tres oficial den e avion cu a cai. Nan tabata pertenece na e cuartel general na Wiesbaden. Un persona di e cuartel general a bisa cu ainda

no tin ningun informacion tocante e ocupantenan di e aparato.

E avion T-39 ta wordu usa principalmente pa aviadornan cu kler alcanza e cantidad di oranan di vuelo cu ta prescribi. -Segun e persona di forsa aerea Mericano a drenta noticianan na Wiesbaden for di diferente fuente tocante un avion cu a worde tumba na Alemania Oriental. -Pero e portavoz no tabatin comentario riba ningun di e noticianan ey.

DAR ES SALAAM, 30 Jan. President Julius Nyerere a anuncia formacion di un comision consistiendo di 13 persona cu mester haci posible cambionan constitucional pa un estado democratico di un solo partido.



*Esaki ta e cohete mas poderoso y avansá di Comando di defensa aerea mericano.*

*E arma aki qu ta midi 41 pia y ta alcanza obhetonan den aire tin un motor tipo rocket.*

*E ta ser utiliza pa NORAD (North American Air Defense Command) pa defende ciudadnan mericano y basenan militar.*

*E por combati un obheto qu ta bula cu velocidad di 200 milla pa ora y qu ta mas qu 75 milla leeuw na un altura di 100.000 pia y mas haltu.*



**AWOR MAS  
ECONOMICO!**

**SOPA Continental**  
de Pollo y Fideos



**AWOR**

**2** PAKI  
Den Cada  
Cahita

MAS ECONOMICO !  
MAS CONVENIENTE !

**Aruba Trading Company**

## Carnaval-Carnaval

**Oferta especial di  
carnaval di  
firma Jan C. Lacle**

**Pa cada compra CASH di un botter di Whisky  
ANGUS MCKAY di f. 7.50 den SANTA CRUZ BAR  
durante e dianan di 1 te 9 Februari 1964**

**Bo ta ricibi un REGALO DI CARNAVAL cual ta 1  
botter di CARNAVAL LIQUEUR GRATIS!!!!!!**



**Y OTRO CONTRIBUCION DI FIRMA JAN C LACLE  
NA CARNAVAL DI ARUBA.....**

**40 CAHA DI CUCUI DI ARUBA**  
ta worde reparti gratis den dianan aki na tur club,  
carnaval, comite-nan y durante parada.

Especial pa e ocasion aki, E ETIKETNAN DI  
E CUCUI A WORDE TRAHA DEN COLORNAN DI  
CARNAVAL CU E LEMA "BIBA CARNAVAL, CU  
LIQOR DI CARNAVAL"

ariba e portret aki nos ta mira momento cu e  
truck ta worde carga cu "CUCUI DI CARNAVAL".  
agente:

FIRMA JAN C. LACLE

Sta. Cruz Bar - Santa Cruz 62 - Tel. 1048

**RIP KIRBY**


pa cortesia di:

**JAN BODEGOM & CO (ARUBA) N.V.**

Agente exclusivo di **FRIESCHE VLAG**

lechi evaporado y lechi en polvo

**MAXWELL HOUSE KOFFIE.**



**HOROSCOPO PERSONAL**

Pa Diahuebs 30 Januari

**ARIES 21 maart - 20 april**

Parce cu tin poco problema financiero y door di un bista pesimista of un sentimentu di miedo y depresion bo por sufrí perdida. Tene curashi.

**TAURUS 21 april - 21 mei**

Lo no ta facil pa bo resisti e deseo pa diverti bo mes pa ocupa bo mas cu asuntunan serio. Bai cu diplomacia cubo superiorman.

**GEMINI 22 mei - 21 juni**

Lo no ta facil pa bo jega na un comprendimentu mutuo cu otro nan na e momento aki. Busca un manera pa evita pleitu y desunion.

**CANCER 22 juni - 23 juli**

No laga bo trabao sufrí bao di asuntunan financiero y problemanan excepcional. No spera hopi ayudo di otro nan.

**LEO 24 juli - 23 augustus**

Controla bon cual trabao mester worde hasi prome y cuminsa na tempu. Mas den dia por tin contratiempo. Cuida bo salud bon awor.

**VIRGO 24 aug. - 23 sept.**

Bo mester ta dispuesto pa laga otro nan bai dilanti awor. Trata publico en general cu cuidao y trata pa ta obhetivo.

**LIBRA 24 sept. - 23 okt.**

Si no ta estrictamente necesario bo mester suspende viahenan. Bo lo por hanja bo den dificultad of sufrí un desilucion. Paga atencion na bo trabao.

**SCORPIO 24 okt. - 22 nov.**

Duna preferencia awe na bo deber y asuntunan di bo mayornan. Protege bo derechonan di un manera tactico y cu pasenshi.

**SAGITTARIUS 23 nov. - 21 dec.**

Awor ta tempu pa paga mas atencion na asuntunan serio cu bo a negligia. Bo lo mester mantene ordu den bo trabao.

**CAPRICORNIUS 22 dec. - 20 jan.**

Bo lo hasi mehor door di tene bo mes poco atras awe pa asina caba cu bo trabao. No revela bo imperfeccionnan na otro nan.

**AQUARIUS 21 jan. - 19 febr.**

Ta muestra cu bo ta hanja cierto dificultad den bo circulo di amistadnan. Hasi loke bo por pa evita esey y no bai tras di ofertanan financiero.

**PISCES 20 febr. - 20 maart**

Bo lo mester ta masha persistente y tene pasenshi si bo hanja bo dilanti asuntunan importante awe. Tene confianza den bo mes.

**CISCO KID**

pa cortesia di:

**ARUBA BOTTLING COMPANY**

NESBITTS den varios sabor, e refresconan mas pidi y mas gusta na Aruba.





**BUCHI ROBEZ**

pa cortesia di:

**PIET'S SODA FOUNTAIN**

Tel. 2123

E mihor adres pa snacks, tur clase di dushi, softdrinks, ice-cream y revistas.



**PEPITA**

pa cortesia di:

**ANTILLIAN HARDWARE CO.**

E mihor adres pa VERF, KWASHI, TUR HERMENT, ARTICULOS SANITARIO.



**DICK TRACY**

